



Tužilaštvo - Tužiteljstvo Bosne i Hercegovine
Тужилаштво Босне и Херцеговине

A-319-5-1/24
04.10.2024. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 30. Pravilnika o javnim nabavkama Tužilaštva – Tužiteljstva BiH broj: A-200/24 od 16.05.224. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci računara (Lot 1) za potrebe Tužilaštva-Tužiteljstva BiH, dodjeljuje se ponuđaču PR MEDIA MARKET DOO - PRIJEDOR.

Član 2.
(Kriterij za dodjelu ugovora)

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-319/24 od 28.08.2024. godine. Javna nabavka je provedena putem otvorenog postupka. Procijenjena vrijednost nabavke za Lot 1 iznosila je 60.000,00 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-1-1-69-3-24/24 od 29.08.2024. godine. Obavještenje o nabavci je objavljeno u Službenom glasniku BiH broj: 60/2024 od 06.09.2024.godine. Do krajnjeg roka za dostavu ponuda, na protokol Tužilaštva – Tužiteljstva BiH

zaprimljene su četiri uredno zapečaćene i neotvorene ponude ponuđača: GODIMERC DOO – SARAJEVO, INTER-COM DOO – ZENICA, EMADO DOO – SARAJEVO i PR MEDIA MARKET – PRIJEDOR.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2024. godinu, broj: A-517/23 od 30.11.2023. godine i broj: A-517-1/23 od 12.02.2024. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača GODIMERC DOO – SARAJEVO, INTER-COM DOO – ZENICA, EMADO DOO – SARAJEVO i PR MEDIA MARKET – PRIJEDOR, zadovoljavaju uslove tenderske dokumentacije i tehničke specifikacije, te se dostavljene ponude smatraju prihvatljivim. Ponuđene cijene ponuđača su iznosile: GODIMERC DOO – SARAJEVO 59.997,60 KM bez PDV-a, INTER-COM DOO – ZENICA 59.982,00 KM bez PDV-a, EMADO DOO – SARAJEVO 59.865,00 KM bez PDV-a i PR MEDIA MARKET – PRIJEDOR 59.982,00 KM bez PDV-a.

Tenderskom dokumentacijom je bila predviđena e-aukcija koja je i održana dana 27.09.2024. godine. Nakon provedene e-aukcije utvrđeno je da su ponuđači PR MEDIA MARKET DOO – PRIJEDOR i GODIMERC DOO – SARAJEVO ponudili nižu cijenu od inicijalno dostavljene dok ponuđači EMADO DOO SARAJEVO i INTER-COM DOO ZENICA nisu aktivno učestvovali na e-aukciji. Komisija je utvrdila da je e-aukcija u ovom postupku uspješno završena, te da je nakon završetka e-aukcije najnižu cijenu i najpovoljniju ponudu ponudio ponuđač PR MEDIA MARKET DOO – PRIJEDOR.

Shodno navedenom, članovi Komisije su uputili preporuku glavnom tužiocu Tužilaštva – Tužiteljstva Bosne i Hercegovine za donošenje odluke o dodjeli ugovora ponuđaču PR MEDIA MARKET DOO – PRIJEDOR.

Uzimajući u obzir navedeno, odlučeno je kao u dispozitivu odluke.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



Dostavljeno:

- Ponuđačima;
- Odjelu za mat.-fin. poslove.